



Broj: 05-04-20-3468-6/24
Maglaj, 08.10.2024. godine

Na osnovu čl. 69. i 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 24. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), u postupku javne nabavke „Izvođenje radova na izgradnji spomen obilježja branioci Bijele Ploče i izgradnji, sanaciji i rekonstrukciji spomen obilježja branioci Jablanice“, Općinski načelnik donosi

ODLUKU
o poništenju postupka javne nabavke
(LOT 2)

I

Poništava se LOT 2 u postupku javne nabavke „Izvođenje radova na izgradnji spomen obilježja branioci Bijele Ploče i izgradnji, sanaciji i rekonstrukciji spomen obilježja branioci Jablanice“, otvoreni postupak, objavljen na Portalu javnih nabavki obavještenje o nabavi broj 1140-7-3-89-3-100/24 od 10.09.2024. godine, iz razloga što je izabrani ponuđač propustio dostaviti dokumentaciju koju je bio obavezan dostaviti, te u postupku nije preostala nijedna ponuda za predmetni lot.

II

Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

III

Ova odluka ima se objaviti na web stranici Općine Maglaj, u skladu sa članom 70. stav (6) Zakona o javnim nabavkama.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

O b r a z l o ž e n j e

Odlukom o pokretanju postupka, broj 05-04-20-3468/24 od 10.09.2024. godine, pokrenut je postupak javne nabavke „Izvođenje radova na izgradnji spomen obilježja branioci Bijele Ploče i izgradnji, sanaciji i rekonstrukciji spomen obilježja branioci Jablanice“, podijeljen na dva lota:

- LOT 1: Izvođenje radova na izgradnji spomen obilježja braniocima Bijele Ploče
- LOT 2: Izvođenje radova na izgradnji, sanaciji i rekonstrukciji spomen obilježja braniocima Jablanice

Predmetna javna nabavka objavljena je na portalu javnih nabavki, obavještenje o nabavci broj 1140-7-3-89-3-100/24 od 10.09.2024. godine. Sažetak obavještenja o nabavci objavljen je u „Službenom glasniku BiH“, broj 61/24. Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukama br. 05-45-1-874/24 od 22.05.2024. godine i 05-45-1-874-1/24 od 12.09.2024. godine (u daljem tekstu: Komisija). Za LOT 2 (Izvođenje radova na izgradnji, sanaciji i rekonstrukciji spomen obilježja braniocima Jablanice) zaprimljena je samo jedna ponuda – ponuda ponuđača „MVS gradnja“ d.o.o. Maglaj – koju je Komisija ocijenila prihvatljivom.

Odluka o izboru najpovoljnijeg ponuđača za lot 2 donesena je 30.09.2024. godine i dana 01.10.2024. godine dostavljena izabranom ponuđaču, koji ju je uredno zaprimio. Ovom odlukom izabrani ponuđač je bio obavezan da u roku od pet dana od dana zaprimanja iste ugovornom organu dostavi dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač. S obzirom da je ovaj rok istekao 07.10.2024. godine, te da izabrani ponuđač nije dostavio traženu dokumentaciju, a za predmetni lot nije bilo drugih ponuda, ugovorni organ je morao poništiti postupak za LOT 2 (Izvođenje radova na izgradnji, sanaciji i rekonstrukciji spomen obilježja braniocima Jablanice).

Na osnovu izloženog, a primjenom člana 69. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

